

PEMBERITAHUAN PERTANYAAN

DEWAN RAKYAT, MALAYSIA

**DARIPADA : Y.B. DR. LEE BOON CHYE
(GOPENG)**

PERTANYAAN : LISAN

TARIKH : 21.10.2015

Y.B. DR. LEE BOON CHYE [GOPENG] minta **MENTERI KEWANGAN** menyatakan langkah yang diambil untuk menyelamatkan 1MDB.

JAWAPAN

Untuk makluman Ahli Yang Berhormat, pada 18 Februari 2015, 1MDB telah mengumumkan hasil kajian strategik atau *strategic review* (dengan izin) syarikat tersebut. Pelan Rasionalisasi ini menggariskan strategi dan langkah-langkah yang akan diambil oleh 1MDB untuk membayar balik hutang syarikat.

Antara pencapaian yang telah dicapai oleh 1MDB setelah Pelan Rasionalisasi dibentangkan adalah seperti berikut:

- i. Pembayaran semula hutang sebanyak AS\$975 juta dan *debt for asset swap*, (dengan izin) dengan IPIC di mana pelaksanaan *binding term sheet*, (dengan izin) dengan IPIC dijangka akan mengurangkan hutang 1MDB sebanyak RM 16 bilion;
- ii. Lebih RM1 bilion nilai tanah pembangunan di TRX telah dijual;
- iii. Tawaran bidaan terakhir daripada pembida tempatan dan antarabangsa bagi Edra Energy dan Bandar Malaysia akan diterima pada akhir bulan Oktober 2015 di mana Perjanjian Jual Beli (SPA) bagi kedua-dua aset tersebut dijangka akan dilaksanakan pada bulan Disember 2015;
- iv. Tanah di Pulau Indah, Selangor sedang dalam proses penjualan; dan
- v. 1MDB sentiasa memenuhi komitmen pembayaran balik prinsipal dan faedah pinjaman dengan konsisten.

SOALAN (31)

**PEMBERITAHUAN PERTANYAAN
DEWAN RAKYAT, MALAYSIA**

PERTANYAAN : LISAN

**TARIKH : 21 OKTOBER 2015
[RABU]**

**DARIPADA : Y.B. PUAN HAJAH NORMALA BIN ABDUL SAMAD
[PASIR GUDANG]**

SOALAN :-

Y.B. PUAN HAJAH NORMALA BIN ABDUL SAMAD [PASIR GUDANG] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan berapakah jumlah lesen perniagaan/penjaja yang dikeluarkan kepada warga asing dan apakah tindakan penguatkuasaan yang diambil sekiranya didapati warga asing berniaga/menjaja tanpa lesen yang sah.

JAWAPAN :-

Tuan Yang di- Pertua,

Untuk makluman Ahli Yang Berhormat, Pihak Berkuasa Tempatan (PBT) tidak dibenarkan untuk mengeluarkan lesen perniagaan/penjaja kepada warga asing. PBT tertakluk kepada Pekeliling KSU-KPKT Bil. 3/2008 pada 30 Jun 2008 mengenai Pengeluaran Permit Perniagaan Kecil oleh PBT yang menyatakan bahawa permit perniagaan kecil hendaklah **dikeluarkan kepada warganegara Malaysia sahaja** dan pemilik permit hendaklah berada di tempat berniaga sepanjang masa. **Tindakan membatalkan permit mesti diambil ke atas warganegara Malaysia yang memindah permit perniagaan mereka kepada warga asing.**